

Ed.

284. Nefndarálit

um frv. til l. um breyt. á l. nr. 106 23. júní 1936, um útsvör.

Frá allsherjarnefnd.

Nefndin hefur athugað frv. þetta og leitað upplýsinga hjá ríkisstjórninni um það, hvað liði endurskoðun útsvarslaganna.

Félagsmálaráðuneytið hefur með bréfi 20. nóv. s.l. tjáð nefndinni, að Samband ísl. sveitarfélaga hafi nefnd, er gera skuli tillögur um fastar reglur fyrir álagningu útsvara, þ. á m. skiptingu þeirra milli sveitarfélaga, og hafi ráðuneytið, með bréfi 3. ágúst s.l., óskað eftir að fá tillögur nefndarinnar.

Stjórn Sambands ísl. sveitarfélaga hefur lagt fyrir nefnd sína að ljúka störfum fyrir n. k. áramót, með það fyrir augum, að þá geti farið fram, í samráði við félagsmálaráðuneytið, heildarendurskoðun útsvarslaganna og að frv. um það efni verði lagt fyrir Alþingi það, sem saman á að koma 15. febr. n. k.

Með tilliti til þessa telur nefndin ekki ástæðu til að gera nú breytingu á útsvarslögunum, heldur sé réttara að bíða eftir þeirri heildarendurskoðun, sem stendur fyrir dyrum.

Einn nefndarmanna, BSt, óskar tekið fram, að hann sé frumv. samþykkur efnislega, en geti þó fallizt á að bíða eftir væntanlegri endurskoðun útsvarslaganna, ef hún dregst ekki lengur en til næsta þings.

Nefndin leggur því til, að frv. verði afgreitt með svo hljóðandi

RÖKSTUDDRI DAGSKRÁ:

Þar sem upplýst er, að verið er að vinna að heildarendurskoðun útsvarslaganna og ráðgert, að frumvarp um það efni verði lagt fyrir Alþingi það, sem saman á að koma 15. febr. n. k., telur deildin ekki rétt að afgreiða nú frumv. þetta og tekur fyrir næsta mál á dagskrá.

Alþingi, 3. des. 1945.

Bjarni Benediktsson,
form.

Bernh. Stefánsson,
fundaskr.

Steingr. Aðalsteinsson,
frsm.

Guðm. Í. Guðmundsson. Lárus Jóhannesson.